



Dô le pareggio de 0 a 0 dl andata cuntra la squadra da Laugen (che é secundi te so campionat) é stada buna La Val da davagné 0 a 1 fora de ciasa. Insciö rōia La Val tla semifinala, les combinaziun tla semifinala vëgn ciamò chirides fora plü inant. L' andata sará ai 24.04.2012 y le ritonro ai 09.05.2012.

Cun en "eurogol" de Sottara Stefan esi bugn da davagné la partida.

Bel sciöche le campo de Laugen ciarâ fora an atira capí che al foss stè na burta partida. An po sceco dí che al é gnü sughé sön en ciamp da soni. Porchël se á ince stentè La Val da fá so jüch. Ara ne jê prësc gnanca da fa üna n' aziun zënza che le pal rimbalzas mal. Tratan le prüm tēmp á purvè La Val cun en per de aziuns in profundité da fá gol, mo tratan les aziuns el trës stè le pal, o en stop sbaglié por via dl rimbalzo dl pal, che á architè sō l' aziun. L'unica oportunité dl Laugen é stada dl prüm tēmp sön calcio d'angolo. Sepl Kantioler é stè bun cun na gran parada da parè na bela testa che foss zēnzater jüda te porta. Mo al é ma stè bun da aziché la pala, insciö por furtüna é ciamò stè bun Sottara Werner sön la riga da trá demez le pal. Le prüm tēmp se á stlüt jö sön le 0 a 0, na burta partida.

Tl secundo tēmp é La Val che fesc plü druc. Insciö garetel en per de aziuns. Sön na bela aziun jö por la fascia röiel ite en bel cross püch fora dl area, le defensur ne rōia nia sön la pala. Stefan zënza ponsè dô tirl al volo en gran tiro, che rōia bel avisa sön le palo lunch, ulache al rōia spo te porta dô avëi atuché le palo. Le portier ne á degüna chance da le parè. En "eurogol" de Stefan che ti porta le pasaje dl turno ala squadra da La Val.

Püch dedô el Romeo che á l'oportunité da stlüt jö la partida. Ivan Tschaffert dô na bela combinaziun cun Freddy rōia jö sön le fondo, spo mëtel ite en pal d' or sön le rigore, ulache Micky y Romeo é bi susc. Mo bel avisa denant che Romeo ó trá te porta abinel na büja dl

campo le pal y se alza. Le tiro röia spo sura traversa fora. Chësc ess zigü stlüt jö la partida. A mesa le secundo tēmp vëgnel spo espulso le portier dl Laugen deache al é gnü fora dl area y á trat demez le pal cun la man. Insciö resta Laugen ma plü in 10 y La Val po cuntrulé la partida cina che l'arbiter sciüra la fin. Püch dan la fin fossl cíamò stè en gol por La Val che le arbiter ne á nia dè. Le portier dl Laugen (sogadü che é gnü cambié ite) ne se capësc nia cun en só defensur. Spo garetel na paperada, le pal cogora bel plan ite te porta, mo le arbiter ne dá nia gol. Le pal foss stè zigü 25 cm da ite dala riga.

Ala fin an udü che Laugen é gnüs tres plü nervösc y l' arbiter á trat fora deplü gheles. I sogadüsc da La Val é stá plü furbi y ne á cuaji mai protestè cuntra l' arbiter, insciö se a stlüt jö la partida sön le 0 a 1 por La Val.

La foramziun titolara: Kantioler Sepl, Tavella Jordan, Alton Alex, Sottara Werner, Castlunger Marco, Tschaffert Ivan, Sottara Stefan, Sottara Freddy, Rubatscher Romeo, Frenes Michael y Rubatscher Florian

Sostituziuns:

Elzenbaumer Alex por Frenes Micky

Miribung Adrian por Rubatscher Florian